



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 121. Rex cum Sede Apostolica conciliari paratus

[urn:nbn:de:hbz:466:1-66459](#)

Sæcul. XV.
A.C 1464.

§. CXXI.

Rex cum Sede Apostolica conciliari paratus.

Cochl. Hist.
Husfit. lib. 12

Nihilominus cum Regi nuntiatum esset, quod Fridericus Cæsar Legatos suos Romam decrevisse, qui Neo-electo Pontifici filialis obsequii homagium exsolverent, atque obedientiam spondarent, dubius hæsit, an non & ipse pari submissione sese Pontifici devoveret. Quare hac super re consilium petiit a Cæsare, qui Regi auctor fuit, ut legationem differret, donec exploratum haberet Pontificis animum; cum enim ei dies dictus esset, timendum foret, ne ejusdem Legatis Papam alloquendi copia denegaretur; id vero, inquiebat Imperator, tanta esset ignominia, cui Regiam dignitatem exponere nefas foret. Placuit Podiebracio Friderici responsum, unde eidem hunc in modum rescripsit; si Paulus Pontifex judicij acta adversum me instructa suspendere paratus est, mittam meos quoque ad eum Legatos, ac quæcunque imperabit, exequar. Fridericus lubenti animo hoc negotium in se suscepit: felici admodum successu; impetravit enim a Papa, ut sententia adversus Regem differretur.

Interea

Interea Podiebracius, licet erroneæ Sacrae XV.
suæ opinionis tenacissimus esset, ea ta- A.C. 1464.
men usus est moderatione, ut in Catho-
licos haud ultra sœviret, quin etiam eis-
dem indulgeret, ut sectam, ac dogmata
amicī sui Rochisanæ, qui Sedem Metro-
politanam usurpabat, ac Hussitarum ca-
put erat, publice oppugnarent. Ex ad-
verso Rochisana æquali modestia haud
utebatur, sed potius cum solidis ratio-
num momentis destitueretur, bruta ana-
thematis fulmina vibrabat, perperam
persuasus, plurimos ex hisce fidei defen-
soribus ipso veritatis scuto tutis, inani
hoc metu prostratum iri. Nihilominus
certamen^(*) publicum a Capitulo Ecclesiæ
Catholicæ Pragensis sibi oblatum acce-
ptabat, verum disputatione ad quintum
diem protracta, Hæreticus iste de mul-
tis mendaciis, calumniis, & erroribus
convictus, toto vultu ruborem emicante
lingua & aqua hæsit, suam tamen igno-
miniam ut occultaret, se vicisse, mendax
jactitare non erubuit.

§. CXXII.

(*) Hanc disputationem postea edidit, ac
notis illustravit Canisius antiqu. lect. tom. 3.
sub finem.